



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 13. In Aquitaniâ.

urn:nbn:de:hbz:466:1-13147

florentem vitem infestantes. *Plinius lib. 14. cap. 3.*

In Ligeri Fluvio quâ parte per Velaunos transit, le Velay, Boues in flumine querunt nascentem herbam audiissimè, totisque immersis capitibus. *Dalecampius in Plin. cap. 22. lib. 18.*

In Aquitania.

IN Fluuio Olindo *old*, piscibus abundante, nec Lucius crescit, nec importatus in eo viuere potest. Rationem reddunt incolæ quòd S. Ambrosius Cadurcensis Episcopus pescationem illam interdixisset. Sed fabulosam putat rationem illam *Papyrius Massenus*.

In vico Marsaco in Petrocoriis fons æstus marinos imitatur, & quod mirabilius, respondet fluuij Garumnæ ad Burdigalam incrementis. *Andreas du Chesne.*

A Garumnæ ostio Liburniam usque *Linourne*, æstus marinus sic intumescit, tantóque impetu aquas repercutit maximè æquinoctio Autumnali, ut scaphas obuias cuerat, nauigia dissipet grandiora, insuetis magnum pauorem creet, pueris indigenis furias ilicas cum voluptate expectantibus. *Andreas du Chesne.*

In Tarbellis Aquitanicâ Gente, aquæ decurrunt frigidæ & calidæ paruo inter se interuallo discretæ; quod etiam in Pyrenæi radicibus contingit. *Perdurat ad hoc usque tempus miraculum. Plinius lib. 31. cap. 2.*

Haud procul Baiona ventis minimè spirantibus, adeo turgescit mare, ut terram vniuersam obducere velle videatur. Quem tumorem, dubio procul, efficit ventus in terræ visceribus conceptus, & per aquas euolans. *Andreas Baccius lib. 1. de Thermis cap. 2.*

Versus Pictonicum mare lacus erat dictus Coruorum, quorum opera vtebantur indigenæ, vt lites componerent, vterque aliam habebat candicantem. Accedebant porro ad eum locum disceptaturi in sublimi loco positâ tabulâ; Actor & reus pro se quisque in eam proiiciebat liba, aduolabant Corui, libum vnum vorabant, aliud dissipabant, hoc euincientis litem, illud causâ cadentis signum erat. *Strabo lib. 4. ex Artemidoro.*

Prope Fanum S. Ioannis de Angeraco *S. Jean d'Angely*, fons visiturnullo penè fluento hyeme, æstate abundanti, contra aliorum fontium naturam. *Eusebius Nierembergius.*

Prope Biturigas Fanum S. Solangiæ s. *Solange* vicus, quoties Rustici indigent pluuiâ, habitâ ad hoc templum supplicatione dubio procul impetrant. Porrò consuetudo tulit ut supplicatio per agrum transeat frumento constitutum. Quamquam ergo penè maturæ sint segetes, ita conterantur calami euntium vestigiis, ut vix speretur stipula, nihilominus post aliquot dies spicæ disiectæ resurgunt, & vberem colono reponunt messem. *Res actis publicis consignata.*

In rupe iuxta Tardopetram *Dardoire*, in agro Incolismensi, per angustias in spatiofas cellas pater ingressus: in iis variae imagines, & figuræ hominum, animantium, omnisque supellestilis. Appellantur vulgò *les caues de Rancogne. Papyrius Massonus.*

Per eandem Regionem fluuius Tura decurrit *la Toure*, angustus, cui imponi lembus non potest ex variis asseribus compactus, quia breui vermibus arrodatur, & perfodiatur, qui inter lignorum commissuras enascuntur; itaque hîc ex vnicâ trabe conficiuntur linters, quæ hanc pestem minus sentiunt. *Andreas du Chesne.*

In vico *Rochedogou*, decem passuum millibus à Claromontio rupes mediocris fracta dat Gemmas adamantis instar micantes. *Andreas du Chesne.*

In Abbatia S. Illidij s. *Allire*, prope Claromontem fluuius serpit, olim Scateon dictus nunc *Tiretaine*, in quo regnat pons à naturâ formatus; fons enim ibidem fluuium subiens durescit in latidem. *Dalecampius in Plin. cap. 2. lib. 31. & Andreas du Chesne.*

In eadem Aluerniâ prope vrbe Besam stagnum visitur in montis vertice profunditatis tantæ, ut haec tenus immisso funibus explorari fundus nequuerit. In eum si lapidem proieceris, illico nubibus obducetur aér, grando decidet, micabunt fulgura, mira tempestas concitabitur. *Andreas du Chesne lib. 1. vrbiū cap. 150.*

Non procul ab eadem vrbe antrum vulgò *du Souley*, in quo æstate murmura tonitruï instar exaudiuntur. *Dauittus in Aluerniâ.*

In eodem tractu fons vinosus, seu Acidulus, cuius aquæ si admiscueris sextam partem merum te bibisse credideris, nullâ aquâ dilutum. *Idem qui supra.*